



Dómsmálaráðuneytið
Sölvhólsgötu 7
101 Reykjavík

FJÁRMÁLA- OG EFNAHAGSRÁÐUNEYTIÐ

Arnarhvoli 101 Reykjavík
sími: 545 9200 postur@fjr.is
fjr.is

Reykjavík 27. ágúst 2021
Tilv.: FJR21080030/6.1

Fjármála- og efnahagsráðuneytinu hefur borist meðfylgjandi erindi Félags atvinnurekenda, dags. 9. ágúst 2021, ásamt ítrekun, dags. 25. ágúst 2021. Erindið varðar lögmæti netverslunar með áfengi og eyðingu óvissu í viðskiptum.

Með vísan til 2. mgr. 7. gr. stjórnsýslulaga nr. 37/1993, með síðari breytingum, er meðfylgjandi erindi sent dómsmálaráðuneytinu, sem fer með áfengislög, nr. 75/1998, til þóknanlegrar meðferðar.

Fyrir hönd ráðherra

Helga Jónsdóttir

Steinar Órn Steinarsson

Fjármála- og efnahagsráðuneytið
Guðmundur Árnason ráðuneytisstjóri
Arnarhvoli við Sölvhólsgötu
101 Reykjavík

Reykjavík, 25. ágúst 2021

Efni: Ítrekun á erindi um lögmæti netverzlunar með áfengi og eyðingu óvissu í viðskiptum

Félag atvinnurekenda (FA) vísar til erindis síns til ráðuneytisins 10. ágúst síðastliðinn, en þar var farið fram á svör við þremur einföldum spurningum um lögmæti netverzlunar með áfengi, sem stunduð hefur verið hér á landi að undanförnu. Í ljósi þeirra verulegu hagsmuna félagsmannna FA, sem um er að tefla, óskaði félagið svara ráðuneytisins innan tveggja vikna frá dagsetningu erindisins. Svör hafa ekki boritz.

Í þessu máli er sú afar sérkennilega staða uppi, eins og rakið var í fyrra erindi FA, að fjármála- og efnahagsráðherra segir að netverzlin með áfengi sé lögleg en undirstofnun ráðuneytisins, Áfengis- og tóbaksverzlin ríkisins, er á öðru máli og hefur kært netverzlanir til löggæzlu- og skattayfirvalda. Jafnt fyrir ný fyrirtæki, sem vilja hasla sér völl á þessum markaði, og fyrir núverandi innflyttjendur og framleiðendur áfengis, sem telja sér ekki annað fært en að bregðast við nýrri samkeppni, er óvissa í þessum efnum afar bagaleg.

Hér skal fyrra erindi FA til ráðuneytisins því ítrekað og farið fram á skýr svör við þeim spurningum, sem félagið hefur sett fram. Jafnframt er gerður sá fyrirvari, líkt og í fyrra erindi, að telji ráðuneytið sig einhverra hluta vegna ekki rétta stofnun innan stjórnsýslunnar til að svara þessum spurningum, geri það gangskör að því að áframsenda erindið og afla svara fljótt og vel til að tryggja öryggi og fyrirsjáanleika í viðskiptum. Ekki er úr veki að minna ráðuneytið á 1. mgr. 7. gr. stjórnsýslulaga, um leiðbeiningarskyldu stjórnvalda, og 2. mgr. sömu greinar, um skyldu stjórnvalda til að áframsenda erindi svo fljótt sem unnt er.

Virðingarfyllst,

Ólafur Stephensen
framkvæmdastjóri FA

Fjármála- og efnahagsráðuneytið
Guðmundur Árnason ráðuneytisstjóri
Arnarhvoli við Sölvhólgsgötu
101 Reykjavík

Reykjavík, 9. ágúst 2021

Efni: Lögmæti netverzlunar með áfengi og eyðing óvissu í viðskiptum

Að undanförnu hafa hafið starfsemi hér á landi nokkrar netverzlanir með áfengi. Má nefna björland.is, sem selur innlendan bjór, Sante Wines, sem selur einkum innflutt áfengi en einnig innlendar vörur og Nýju vínbúðina, sem selur einnig innlendan bjór í bland við innflutt áfengi. Eftir því sem næst verður komist er Björland rekið á íslenzkri kennitölum, Sante Wines á franskri og Nýja vínbúðin á brezkri. Í öllum tilvikum er varan þó send til neytenda úr innlendum vöruhúsum og afhendingartími er skammur, stundum innan við sólarhringur. Eftir því sem næst verður komist hafa yfirvöld ekki gripið inn í starfsemi þessara netverzlana.

Félagsmenn í Félagi atvinnurekenda, sem eru jafnt framleiðendur sem innflytjendur áfengis, sjá sér eðilega ekki annað fært en að taka þátt í samkeppninni á þessum nýja markaði ef framhald verður á starfsemi netverzlananna. Sumir hverjur hafa þeir jafnframt fengið fyrirspurnir frá vefverzlunum, sem reknar eru á erlendri kennitölum, um viðskipti. Umrædd fyrirtæki hafa þó verið hikandi að taka þátt í þessum viðskiptum, ekki sízt vegna þess að Áfengis- og tóbaksverzlun ríkisins (sem heyrir undir fjármála- og efnahagsráðuneytið) hefur gengið fram af talsverðri hörku gegn hinum nýju keppinautum með kærum til löggæzlu- og skattayfirvalda.

Að mati FA er nauðsynlegt, ekki sízt vegna þessarar framgöngu undirstofnunar fjármála- og efnahagsráðuneytisins, að ráðuneytið skýri þær reglur sem um netverzlanir með áfengi gilda og stuðli þannig að öryggi og fyrirsjáanleika í viðskiptum.

Í þættinum Dagnálum, sem birtist á mbl.is hinn 21. júlí síðastliðinn og einnig var greint frá í Morgunblaðinu sama dag, lýsti Bjarni Benediktsson fjármála- og efnahagsráðherra því mati sínu að netverzlanir með áfengi störfuðu „innan ramma EES-samstarfsins.“ Jafnframt sagðist hann eiga erfitt með að sjá að netverzlun með áfengi stangaðist á við lög og að hann fagnaði netverzlun með áfengi, hún væri frábær viðbót.

Að mati FA er nauðsynlegt, með vísan til framangreindra sjónarmiða um öryggi og fyrirsjáanleika í viðskiptum, að ráðuneytið veiti með formlegum hætti skýr svör um það hvort mat ráðherrans sé mat stjórnsýlunnar.

Í ljósi framangreinds beinir FA eftifarandi spurningum til ráðuneytisins:

- 1) Er netverzlun áfengisframleiðenda með staðfestu á Íslandi, líkt og fer fram á björland.is, í samræmi við lög?

- 2) Er netverzlun fyrirtækis með staðfestu í öðru EES-ríki, sem afhendir vörur til neytenda beint úr vöruhúsi á Íslandi, í samræmi við lög?
- 3) Er netverzlun fyrirtækis með staðfestu í ríki utan Evrópska efnahagssvæðisins (t.d. Bretlandi) sem afhendir vörur til neytenda beint úr vöruhúsi á Íslandi, í samræmi við lög?

Svara við þessum spurningum er óskað innan tveggja vikna frá dagsetningu bréfs þessa, enda eru umtalsverðir hagsmunir í húfi. Telji fjármála- og efnahagsráðuneytið önnur ráðuneyti betur til þess fallin að svara þessum einföldu spurningum mælist FA eindregið til þess að erindi þetta verði áframset með hraði og afgreitt fljótt og vel. Eins og áður segir hafa félagsmenn FA áhuga á að taka þátt í þeirri samkeppni sem hafin er í netverzlun með áfengi, en telja mikilvægt að hafa vissu fyrir því að þeir starfi innan ramma laga og reglna og eigi ekki von á inngrípum stjórnvalda.

Virðingarfyllst,

Ólafur Stephensen
framkvæmdastjóri FA